



2022

RESÚMEN 2022 KÁMARA DI KOMÈRSIO I INDUSTRIA BONEIRU

RESÚMEN 2022

Un resúmen di e prestashonnan di Kámara di Komèrsio i Industria Boneiru durante 2022.

- ◆ Ampliashon mas aleu di e sistema nobo online di registro komersial, den kua awor akí a inkluí tur trámite ku un empresario tin mester pa atendé su asuntunan digitalmente ku Kámara di Komèrsio.
- ◆ A prosesá 901 inskripshon nobo i 396 kanselashon den registro komersial.
- ◆ Relashoná ku oumento di tarifa di parti di ministerio di Asuntunan Ekonómiko i Klima, Kámara di Komèrsio a boga eksitosamente pa adaptashon i redukshon di e tarifanan nobo.
- ◆ Kámara di Komèrsio a duna informashon tokante empresariado na hóbennan durante e 'Global Money Week' i a dediká atenshon tambe na nos muchanan pa medio di partisipashon na 'Buki di Prèt'.
- ◆ Stimulashon di empresariado na skol pa medio di seshonnan di informashon na diferente skol i tambe serka studiantenan di Stichting Jong Bonaire.
- ◆ Kámara di Komèrsio a dediká atenshon na Dia Internashonal di Hende Muhé pa medio di duna hende muhénan un podio den kuadro di e tema #breakthebias.



- ◆ Partisipashon na plataformanan di konsulta manera Diálogo Sentral, e Plataforma Insular pa Maneho di Kriminalidat, Grupo di trabou Tráfiko di Pago Hulanda Karibense i tambe konsulta ku e diferente organisashonnan di interes.
- ◆ A sera un konbenio ku Business Federation Bonaire (BFB) pa intensivá e kolaborashon i interkambio di informashon mas tantu ainda. Esaki ta nifiká entre otro ku partidonan ta enbolbí otro mas mihó na momentu di bishita di trabou, resepsion i aktividatnan di lòbi.
- ◆ A profeshonalisá e wèpsait di Blue Destination i a ampliá e programa di sertifikashon.
- ◆ Pa duna informashon a tene un enkuentro di Blue Destination pa 80 empresa ku en total 125 partisipante.
- ◆ Ku Kámara di Komèrsio di Kòrsou a tuma lugá un seshon a base di kontenido tokante ‘hasi negoshi na Boneiru’.
- ◆ E Kámaranan di Komèrsio di e anterior Antia Hulandes ‘The Dutch Caribbean Chambers of Commerce – DCCC’, di kua Kámara di Komèrsio Boneiru tambe ta miembro, a firma un akuerdo konhunto pa sòru pa un mihó tráfiko di komèrsio, apertura di frontera ku Venezuela i implementashon di e paketenan di pais (landepakket) pa e paisnan Kòrsou, Aruba i St Maarten (KAS).




KRESEMENTU & AMPLIA KVK ACADEMY



BEGELEID EN ADVISEERT ONDERNEMERS

- Beheert het handelsregister
- Verstrekt advies over economische ontwikkeling
- Verbind organisaties



- ◆ A tene diferente konsulta ku otro Kámaranan di Komèrsio den region, manera ku Holland House Colombia i Kámara di Komèrsio di Falcon – Venezuela.
- ◆ A duna kontinuashon na KvK Academy, kaminda na aña 2022 un total di 34 hende a optené un sertifikado i e ganadónan di e tarea final ‘Tanki di Tribon’ a gana paketenan ekstenso di premio.
- ◆ Pa hopi empresario e wèpsait di Kámara di Komèrsio ku 130.315 ‘pageview’ i nos medionan sosial ku 2650 siguidó ta fuentenan importante di informashon.
- ◆ Dia 15 di sèptèmber 2022 a habri e Punto di Informashon Medio Ambiente na Kámara di Komèrsio. E punto di informashon akí ta un kolaborashon di Entidat Públiko Boneiru, Ministerio di Infrastruktura i Maneho di Awa i Kámara di Komèrsio Boneiru. Akí ta duna informashon tokante e Dekreto di Establesimentu i Aktivitat (Inrichtingen- en Activiteitenbesluit - IAB) nobo ku nan ta bai implementá.
- ◆ Huntu ku BONHATA Kámara di Komèrsio a duna kontenido na e Flinx Recruitment Expo Dutch Caribbean (FRED) expo na Utrecht – Hulanda, pa medio di entusiasma profeshonalnan pa hasi un kambio i bin traha den área karibense; Kámara di Komèrsio a presentá e vakaturanan di sektor privá tambe na e expo akí.

- ◆ Na luna di novèmber 2022 un biaha mas Kámara di Komèrsio a organisá ‘Bonaire Art Exhibition’. Un edishon sumamente eksitoso ku sentenares di hende presente i partisipantenan hopi entusiasamá.
- ◆ Durante aña 2022 direktiva di Kámara di Komèrsio a bishitá diferente stakeholder i ministerio na Hulanda pa papia a base di kontenido tokante asuntunan relevante pa Boneiru.
- ◆ A tene diferente seshon a base di kontenido ku Servisio di Impuesto Hulanda Karibense (Belastingdienst Caribisch Nederland) pa empresarionan relashoná ku impuesto.
- ◆ Riba tereno di guia na empresarionan Kámara di Komèrsio ta traha huntu ku Qredits, Entidat Públiko Boneiru i Servisio di Reino pa Hulanda Empresarial (Rijksdienst voor Ondernemend Nederland - RVO).
- ◆ Durante aña 2022 Kámara di Komèrsio tabata enbolbí ku vários konsulta riba tereno di sostenibilidat i kambio di klima i den esaki e aspirashon ta pa yega na aregлонan pa empresarionan ku ke sostenibilisá.



BLUE DESTINATION CERTIFICERING WEBSITE DI LANSAMENTU

